



**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA TEŠANJ  
OPĆINSKI NAČELNIK**

Broj:02-49-1-401-16/16

Datum: 14.03.2016.godine

Na osnovu člana 70.stav (1) i (3) te člana 25. Zakona o javnim nabavkama Bosne i Hercegovine ("Službeni glasnik BiH", broj: 39/14), i Zapisnika o pregledu i ocjeni ponuda od 14.03.2016.godine, sačinjenog od strane Komisije za nabavke imenovane rješenjem Općinskog načelnika, Općinski načelnik, donosi:

**ODLUKU**

o izboru najpovoljnijeg ponuđača

**I**

Najpovoljnija ponuda za radove u predmetu nabavke "Horizontalna i vertikalna signalizacija i sanacija i održavanje rasvjete" za:

LOT 1. Održavanje horizontalne signalizacije, po cijeni od 14.129,00KM (slovima: četrnaesthiljadastotinudvadesetdevet i 00/100 konvertibilnih maraka) bez uključenog PDV-a odnosno sa PDV-om 16.530,93KM (slovima: šesnaesthiljadapetstotinatridest i 93/100 konvertibilnih maraka) je ponuda ponuđača "BULJAN CESTE"d.o.o. Kreševo.

LOT 2. Održavanje vertikalne signalizacije, po cijeni od 7.438,00KM (slovima: sedamhiljadačetiristotinetridestotam i 00/100 konvertibilnih maraka) bez uključenog PDV-a odnosno sa PDV-om 8.702,46KM (slovima: osamhiljadasedamstotinadvije i 46/100 konvertibilnih maraka) je ponuda ponuđača "BULJAN CESTE"d.o.o. Kreševo.

LOT 3. Sanacija javne rasvjete i svijetlećih znakova, po cijeni od 31.580,40KM (slovima: tridesetjednihiljadapetstotinaosamdeset i 40/100 konvertibilnih maraka) bez uključenog PDV-a odnosno sa PDV-om 36.949,07KM (slovima: tridesetšesthiljadadevetstotinačetdesetdevet i 07/100 konvertibilnih maraka) je ponuda ponuđača "Elektroprizma" doo Tešanj.

**II**

Ponude su dostavljene u otvorenom postupku javne nabavke koji je objavljen na Portalu javnih nabavki dana 19.02.2016.godine pod brojem:375-1-3-33-3-12/16, obavještenje o nabavci objavljeno u Službenom glasniku BiH broj:13/16 dana 26.02.2016.godine, kriterij za dodjelu ugovora je najniža cijena.

**III**

Obavezuju se izabrani ponuđači da u roku od 5 dana od dana prijema ove Odluke dostave ugovornom organu potrebnu dokumentaciju kojom dokazuju svoju ličnu, ekonomsku i finansijsku sposobnost na način i u formi koja je propisana tenderskom dokumentacijom.

**IV**

Ponuda "SAVICO" d.o.o. Sarajevo odbacuje se kao nepotpuna iz razloga što ponuđač uz ponudu nije dostavio tražene dokumente odnosno dostavio je nepotpunu dokumentaciju.

**V**

Za realizaciju Odluke zadužuje se Služba za finansije, privredu, komunalne i inspeksijske poslove.

**VI**

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav 2. Zakona o javnim nabavkama.

**VII**

Ova odluka objavit će se na web-stranici Općine Tešanj [www.opcina-tesanj.ba](http://www.opcina-tesanj.ba), shodno članu 70. stav 6.Zakona o javnim nabavkama.

## Obrazloženje

Aktom broj:02-49-1-401-2/16 od 17.02.2016.godine Općina Tešanj je donijela Odluku o provedbi postupka javne nabavke za radove "Horizontalna i vertikalna signalizacija i sanacija i održavanje rasvjete", sa podjelom na tri lota. Odabran je otvoreni postupak, koji je objavljen na Portalu javnih nabavki dana 19.02.2016.godine pod brojem:375-1-3-33-3-12/16, sažetak obavještenja o nabavci objavljen u Sl.glasniku BiH broj:13/16 dana 26.02.2016.godine, kriterij za dodjelu ugovora je najniža cijena. U ostavljenom roku za dostavu ponuda pristiglo je 8 ponuda kako slijedi: Ponuda "SAVICO" d.o.o. Sarajevo za Lot 1 i 2., Ponuda "BULJAN CESTE"d.o.o. Kreševo za Lot 1 i 2., Ponuda Bravarsko limarska radnja VI.Muris Saltagić Tešanj za Lot 2., Ponuda "Sacom" doo Sarajevo za Lot 1 i 2., Ponuda "Dobojputevi" dd Doboj Jug za Lot 1 i 2., Ponuda "Ecoinvest" doo Tuzla za Lot 1., Ponuda "Elektroprizma" doo Tešanj za Lot 3., i Ponuda "Hajdić" doo Maglaj za Lot 1.

Komisija za javne nabavke imenovana rješenjem Općinskog Načelnika broj:02-49-1-401-4/16 od 02.03.2016.godine izvršila je dana 11.03.2016.godina javno otvaranje ponuda o čemu je sačinila Zapisnik sa otvaranja ponuda i isti prosljedila svim ponuđačima.

Komisija je na zatvorenoj sjednici izvršila provjeru formalne ispravnosti sadržaja pristiglih ponuda, te ustanovila da je sedam ponuda formalno ispravno (sadržajno kompletne i ispravnog sadržaja) i da se kao takve mogu ocjenjivati u skladu sa zahtjevom za dostavu ponuda.

Komisija je izvršila rangiranje prihvatljivih ponuda prema kriteriju za izbor ponuda (najniža cijena ekonomski prihvatljive ponude) te sačinila konačnu listu ponuda, rangiranu po cijeni ponuda:

za Lot 1.

1. "BULJAN CESTE"d.o.o. Kreševo
2. "Ecoinvest" doo Tuzla
3. "Sacom" doo Sarajevo
4. "Hajdić" doo Maglaj
5. "Dobojputevi" dd Doboj Jug

za Lot 2.

1. "BULJAN CESTE"d.o.o. Kreševo
2. "Sacom" doo Sarajevo
3. Bravarsko limarska radnja VI.Muris Saltagić Tešanj
4. "Dobojputevi" dd Doboj Jug

za Lot 3.

1. "Elektroprizma" doo Tešanj

Komisija je kod ocjene ponuda takođe utvredila da ponuda "SAVICO" d.o.o. Sarajevo nije formalno ispravna i da ne sadrži dokumentaciju koja je tražena tenderskom dokumentacijom, odnosno predmetna ponuda ne sadrži: - običnu kopiju Potvrde Centralne banke sa spiskom svih otvorenih računa ponuđača predviđena tačkom 13.2.1. tenderske dokumentacije; i - potvrde o građevinskim mašinama i tehničkoj opremi kojom izvođač raspolaže u svrhu izvršenja ugovora, kao što je predviđeno tačkom 13.3.2. tenderske dokumentacije.

Ponuda "SAVICO" d.o.o. Sarajevo je u skladu sa članom 68. Zakona o javnim nabavkama Bosne i Hercegovine ("Službeni glasnik BiH", broj: 39/14) odbačena, kako je navedeno u tački 4. dispozitiva ove odluke.

Shodno navedenom, Komisija za javnu nabavku je prema utvrđenom kriteriju "najniža cijena ekonomski prihvatljive ponude" preporučila Općinskom Načelniku, općine Tešanj (Zapisnik o pregledu i ocjeni ponuda broj:08-49-1-401-15/16 od 14.03.2016.godine), da se u predmetu javne nabavke "Horizontalnoj i vertikalnoj signalizaciji i sanaciji i održavanju rasvjete", donese Odluka o



izboru najpovoljnijeg ponuđača i da se kao najbolje ocijenjene prihvatljive ponude za radove u predmetu nabavke, određuju ponude ponuđača "BULJAN CESTE"d.o.o. Kreševo za Lot 1. i Lot 2. te ponuda ponuđača "Elektroprizma" doo Tešanj za Lot 3. , te da se sa istim zaključuje ugovori u skladu sa ponudama navedenih ponuđača za radove predmetne nabavke.

**Pouka o pravnom lijeku:** Žalba na Odluku o izboru najpovoljnijeg ponuđača izjavljuje se URŽ-u putem ugovornog organa u roku od 10 dana od dana prijema Odluke, na način propisan Zakonom o javnim nabavkama Bosne i Hercegovine (Sl.glasnik BiH broj:39/14).

**DOSTAVLJENO:**

1. Ponuđačima x 8,
2. Služba za finansije, privredu komunalne i inspeksijske poslove
3. Predmet.

*Huskić*



*Suad Huskić*  
**OPĆINSKI NAČELNIK**  
**mr.sc. Suad Huskić profesor**